

**Imm. 01 Oqaluuserisassat akuersissutigineri**

**02. Allaffeqarfimmiit oqaasiinnartigut paasissutissiissutit**

**Imm. 2.1 Allaffeqarfimmiit oqaasiinnartigut paasissutissiissutit**

**03. Aningaasaqarnermut tunngasut**

**Soqanngilaq.**

**04. Suliassat nalignnaasut**

**Imm. 4.1 Ilisimatusarfimmi isumaginninnermik suliaqarnermi immikkoortorta qarfiup Qeqqata Kommuniatalu akornanni suleqatigiinnissamik isumaqatigiissut**

**05. Sulisoqarnermut tunngasut**

**Soqanngilaq.**

**06. Paasissutissiissutit**

**Imm. 6.1 ‘Ilitsersuut - eqqarsartaatsimikkut kinguarsimasut eqqartuunneqarnikut Danmarkimut inissinneqaraangata` pillugu Peqqissutsimut Inunnullu Innarluutilinnut Naalakkersuisoqarfiup tusarniuussutaanut akissuteqaat pillugu paasissutissiissut**

**Imm. 6.2 Utoqqarnut tapiissuteqartarneq pillugu Inatsisartut inatsisissaattut siunnersuutip tusarniaassutigineqarnerani akissuteqaat pillugu ilisimatitsissut**

**08. Tamalaat**

**Imm. 8.1 Tamalaat**

Ataatsimiinneq aallartippoq nal. 13:00

*Peqataasut:*

***Siumut***

Hans Frederik Olsen, Siulittaasoq, Sisimiut  
Barnabas Larsen, Kangaamiut

***Inuit Ataqaatigiit***

Nivi Heilmann Efraimsen, Siulittaasup tullia, Sisimiut

***Naleraq***

Steffen Johansen, Sisimiut, oqarasuaatikkut peqataavoq.

***Demokraatit***

Rachel Ingemann, Sisimiut

*Nalunaaruteqarlutik peqataannngitsut:*

*Nalunaaruteqaratik peqataannngitsut*

**Imm. 01 Oqaluuserisassat akuersissutigineri**

**Aalajangineq**

Akuersissutigineqarput.

**02. Allaffeqarfimmiit oqaasiinnartigut paasisutissiissutit**

**Imm. 2.1 Allaffeqarfimmiit oqaasiinnartigut paasisutissiissutit**

- Qupanummi pisortanngortoq
- Ilaqutariit paarsisartut pillugit suliniutit
- Angerlarsimaffeqanngitsut unnuisarfissaanut sulinerup killiffia

**03. Aningaasaqarnermut tunngasut**

Soqanngilaq. Ukiormoortumik nalunaarusiaq suliarneqarpoq.

#### **04. Suliassat nalinnaasut**

##### **Imm. 4.1 Ilisimatusarfimmi isumaginninnermik suliagarnermi immikkoortortaqrifiup Qeqqata Kommuniatalu akornanni suleqatigiinnissamik isumaqatigiissut**

*Journalnr. 52.03.05*

###### Tunuliaqutaq

Oktobarip ingerlanerani Ilisimatusarfimmi Isumaginninnermut siunnersortinngorniarnermut immikkoortortami (Isumaginninnermik suliagarnermi immikkoortortaqrifik) aqutsisumit Qeqqata Kommunian saaffiginnissummik tigusaqarpoq.

Saaffiginnissummik siunertaasoq tassaavoq, Qeqqata Kommunian aamma inunnik isumaginninnermut siunnersortinngorniarnarfiup akornanni tunngatillugu pitsaaneruseqarpoq suleqatigiittoqarnissaa immaqalu malittarinerusassaqaarluni suleqatigiinnissamik isumaqatigiissummik (allaganngukkamik) pisaqariaqartitsosqarnera pillugu kissaateqartoqartoq. Ilinniartoqarfiup aamma suliffissaajumaartup aamma inunnik isumaginninnermik siunnersortitut ilinniartumut suliffimmik misiliffiusup akornanni pitsaaneruseqarpoq suleqatigiittoqarnissaa anguneqarnissaanut aammalu tamanna qanoq malitseqarumaarnersoq aamma inunnik isumaginninnermik siunnersortinut suliffissatut Qeqqata Kommunian orniginarsarneqarnissaa angunialugu.

Atugarissaarnermut immikkoortortaqrarfimmi aqutsisut aamma Inunnik isumaginninnermik siunnersortitut ilinniarnarfiup immikkoortortami aqutsisup akornanni novembarimi teams atorlugu ataatsimiinnererup kingorna isumaqatigiissutigineqarpoq, politikikkut akuerisassatut saqqummiunneqartussamik suleqatigiinnissamut isumaqatigiissummik suliagartoqassasoq.

###### Maleruagassatigut tunngavigisaq

Isumaqatigiissut kommunip pisinnaatitaaffianiipoq, tassani kommuni nammineerluni ilinniartoqarfinni isumaqatigiissusiinnaalluni.

###### Pissutsit atuuttut

Maannakkut suleqatigiinnissamik isumaqatigiissuteqartoqanngilaq.

Inunnik isumaginninnermik siunnersortini bachelorinngorniarnarfiup ilinniarnermut ilinniarnermi aaqqiissut naapertorlugu ilinniartoq suliffimmik misiliinnermi nalaani inunnik isumaginninnermi siunnersortitut ilinniarsimasumit ilitserneqartassaaq. Kiisalu suliffimmik misiliinnerup nalaani ilinniartoq inunnik isumaginninnermik siunnersortitut sulinnermut sulianut inuttullu nammineq naatsorsuutigisanik takunnissinnaalissaaq naliliisinnaanngorlunilu.

Isumaqatigiissummit tunngaviuneruseqarpoq sammisat tassapput:

Qeqqata Kommunian Atugarissaarnermut immikkoortortamut immikkoortoq ilinniartut projekteqarlutik allannerisa nalaani apersuinissamut piareersimasinnaapput. Kiisalu suliffimmik misiliisussanik tigusinissamut sulisussanik naammattunik peqarnerluni kommunip nammineerluni nalilersortassavaa.

Suliffimmik misiliisut pissutsinut tullinnguuttunut ilinniartinneqarnissaat Qeqqata Kommunian isumagissavaa:

- Isumaginninnermut sulianik ilinniartitsineq
- Ilinniarnermut aaqqiineq aamma suliffimmik misiliinermut mappi suliffimmillu misiliinermi isumaqatigiissutip kiisalu ataatsimut isigalugu suliffeqarfiup malittarisassaanik malitsitsineq
- Atugarissaarnermut immikkoortortap ataaniittut ESDH-systemi Get Organized-imik kiisalu IT-mut systeminut tunngasut allat Atugarissaarnermut Immikkoortortap iluani atuuttunik ilinniartitsineq

Paasissutissat suut Isumaginninnermik suliaqarnermi immikkoortortamut tunniunneqartassanersut kommunip nammineerluni aalajangertassavaa. Ilinniartitsinermut atugassat aapissutissat tullinguuttunillu imaqsinnaasut:

- Qeqqata Kommunia isumaginninnermut siunnersortinik qassinik sulisoqarpa,
- inissinernut tunngatillugu aningaasaat qassit atorneqarnikuuppat,
- Qeqqata Kommunia meeqqanik inuusuttunillu angerlarsimaffiup avataani inissinneqarnikunik peqarpa il.il.

Isumaqatigiissut tamakkiisoq ilanngussatut ilanngunneqaqqavoq.

Suliffimmik misiliisut illoqarfimmi suliffimmik misiliiffigisaminni assersuutigalugu ilinniartut ineqarfiinik suleqateqarluni suliffimmik misiliinerup nalaani namminneq inissaminnik isumaginnissapput.

Ukiuni kingullerni Sisimiuni Maniitsumilu inunnik isumaginninnermut siunnersortitut suliffimmik misiliisoqarnikuuvoq:

2021-iminngaaniit Sisimiuni sisamat suliffimmik misiliipput, kisianni Maniitsumi misiliisoqarani.

#### Atuilluartuunissakkut kingunerisinnaasat

Qeqqata Kommuniani inunnik isumaginninnermi siunnersortitut suliffimmik misiliisoqartarnera atuilluartuuneruvoq, taakku kommunimi sulinermi sulinermilu suut atugassarititaanersut takusinnaangortarmatigit.

#### Aningaasaqarnikkut allaffissornikkullu kingunerisinnaasai

Isumaqatigiissummi aningaasaqarnikkut allaffissornikkulluunniit kingunissaqassanngilaq.

#### Allaffeqarfiup naliliinera

Ilinniartoqarfimmik suleqatigiinnissamik isumaqatigiissuteqarnerup aammattaaq malitsigissavaa, ilinniartoqarfimmik suli qaninnerusumik suleqateqarneq, tassani Atugarissaarnermut immikkoortoqarfimmi inunnik isumaginninnermut siunnersortinik pisariaqartitsinerpaagatta. Tamakku sanatiqut ilinniartut aammattaaq ilinniartunut allanut kommunimi misilittakkaminnik atuisarmerat saqqummiisarmatalu, kommuni suliffimmik misiliiffissatut qinnuteqarfissatullu orniginartutut tunniunneqarsinnaavoq.

Tamatuma saniatigut ilinniartoqarfiup tigusinaasaatut isumaginninnerup iluani sammiviit imaluunniit sammisat sorliit ukkatarineqarsinnaasut kommunip oqaluttarinissaanut periarfissaqalissaaq.

**Innersuussut**

Allaffeqarfiup Atugarissaarnermut ataatsimiititaliamut innersuussutigivaa:

1. Ilisimatusarfimmi inunnik suliaqarnermi immikkoortortaqqarfip aamma Qeqqata Kommuniata akornanni suleqatigiinnissamut isumaqatigiissut akuersissutigineqassasoq.

**Aalajangiineq**

Akuersissutigineqarpoq suliarlu Aningaasaqarnermut ataatsimiitailamut ingerkateqqinneqassaaq.

**Ilanngussaq**

1. Ilisimatusarfimmi inunnik suliaqarnermut immikkoortortaqqarfiup aamma Qeqqata Kommuniata akornanni suleqatigiinnissamut isumaqatigiissummut missingiut

**05. Sulisoqarnermut tunngasut**

Soqanngilaq.

## **06. Paasissutissiissutit**

### **Imm. 6.1 ‘Ilitsersuut - eqqarsartaatsimikkut kinguarsimasut eqqartuunneqarnikut Danmarkimut inissinneqaraangata` pillugu Peqqissutsimut Inunnullu Innarluutilinnut Naalackersuisoqarfiup tusarniuussutaanut akissuteqaat pillugu paasissutissiissut**

*Journalnr. 47.00*

#### Tunuliaqut

Peqqissutsimut Inunnullu Innarluutilinnut Naalackersuisoqarfik `Ilitsersuut - eqqarsartaatsimikkut kinguarsimasut eqqartuunneqarnikut Danmarkimut inissinneqaraangata` pillugu tusarniaassummik nassiussinikuvoq. Tusarniaasitsinerup killiffia: 23. januaari 2026, tusarniaanermut akissuteqaat ulloq 21. januaari 2026 nassiunneqarnikuvoq.

#### Maleruagassatigut tunngavigisaq

Kalaallit Nunaanni pinerluttulerinnermi inatsit.

Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq

#### Pissutsit atuuttut

`Eqqarsartaatsimikkut kinguarsimasut eqqartuunneqarnikut Danmarkimut inissinneqaraangata pillugu ilitsersuut`-mmut siunnersuut Peqqissutsimut Inunnullu Innarluutilinnut Naalackersuisoqarfianit ulloq 30. decembari 2025 nassiuppa.

`Eqqarsartaatsimikkut kinguarsimasut eqqartuunneqarnikut Danmarkimut inissinneqaraangata pillugu ilitsersuut` politiini, unnerluussisussaataitasuni, Isumaginninnermut Aqutsisoqarfimmi, kommunini, Naalackersuisoqarfiit Qitiusumik allaffeqarfiani kiisalu Danmarkini bistanstvæргекоordinatorimi aqurtussaqaarfimmi sulisunit atugassanngorlugu suliarineqarnikuvoq. Eqqarsartaatsimigut kinguarsimasup tigusarineqarnermiit tigummigallarneraniillu, eqqartuunneqarlutik Danmarkimi inissinneqarneranut naggataatigullu iperagaaneranut suliamik suliarinnermi alloriarnerit tamaasa ilitsersuummi nassuiarneqarput. Ilitsersuut taamaalilluni eqqarsartaatsimikkut innarluuteqartunut paaqqinnittarfinnut tarnimikkut annertuumik innarluutillit inissiisarfiinut inissinneqarsinnaasunut tunngasuvoq. Ilitsersuut inunnullu eqqartuunneqarlutik imaluunniit tamanna pillugu eqqartuussiviup aalajangiineratigut inissinneqartunut tunngasuvoq taamaalillunilu kommunip aalajangiineratigut inissinneqartunut inunnullu tunngasuunani.

Tusarniaanermut oqaaseqaatini Qeqqata Kommuniani immikkoortortani attuumassuteqartuni ilitsersuut eqqartoreerlugu siunnersuuteqarput.

#### Atuilluartaunissakkut kingunerisinnaasat

Ilitsersuut kommunimi sullissisunit eqqarsartaatsikkut kinguarsimasunik eqqartuunneqarnikunik innuttaasunik sullissisunit iluaqutaassaaq, innuttaasumik eqaannerusumik sullissinissamut aammalu suliarinninnermi siuliani taaneqartunik suleqatiginninnermut atatillugu.

#### Aningaasaqarnikkut allaffissornikkullu kingunerisinnaasai

Sullissisunit allaffissornikkut ajornannginnerusumik sullissisinaanissaannut naatsorsuuteqarnerup saniatigut, ilitsersuut pisortaqaarfitsigut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommuiata akissuteqaataa Atugarissaarnermut Ataatsimiititaliamut tusaatissatut tiguneqarnissaa innersuussutigaa.

**Inassuteqaat**

Atugarissaarnermut immikkoortortap Atugarissaarnermut ataatsimiititaliamut innersuussutigaa;

1. Tusarniaanermi akissuteqaat ilitsersuut pillugu ilisimatitsissut tusaatissatut tiguneqassasoq

**Aalajangiineq**

Tusaatissatut tiguneqarpoq.

**Ilanngussaq**

1. Eqqarsartaatsimikkut kinguarsimasut eqqartuunneqarnikut Danmarkimut inissinneqaraangata pillugu ilitsersuut (Kalaallisut suli nutserneqarnikuunngilaq)
2. Tusarniaanermi allakkiaq
3. Eqqarsartaatsimikkut kinguarsimasut eqqartuunneqarnikut Danmarkimut inissinneqaraangata pillugu ilitsersuummut Qeqqata Kommuniata tusarniaanermut akissuteqaataa

## **Imm. 6.2 Utoqqarnut tapiissuteqartarneq pillugu Inatsisartut inatsisissaattut siunnersuutip tusarniaassutigineqarnerani akissuteqaat pillugu ilisimatitsissut**

*Journalnr. 43.01*

### Tunuliaqutaq

Utoqqarnut tapiissuteqartarneq pillugu Inatsisartut inatsisissaattut siunnersuut Isumaginninnermut, Suliffeqarnermut Nunamullu Namminermut Naalakkersuisoqarfimmit ulloq 30. januaari 2026-mi tusarniaanermi killilerlugu ulloq 2. januaari 2026-mi nassiunneqarpoq.

Utoqqarnut tapiissuteqartarneq pillugu Inatsisartut inatsisissaattut siunnersuummi inuit pineqartut soraarnerussutisiaqarneq pillugu Inatsisartut inatsisaat naapertorlugu tassaapput utoqqalinersiaqalereersut. Utoqqarnut tapiissuteqartarneq pillugu immikkut inatsiseqarnikuunngimmat, maanna inatsit nutaaq malillugu inatsit ataatsimut qulakkeerneqassaaq, matumani utoqqarnik sullissinermi inatsisit assigiinngitsut ullumikkut atorneqartaramik.

19. juuli 2024-mi utoqqarnut tapiissuteqartarneq pillugu Inatsisartut inatsisissaattut siunnersuut Naalakkersuisunit nassiunneqarpoq, tassungalu Qeqqata Kommunia tusarniaanermi akissuteqarpoq. 2024-mi siunnersuummut sanilliullugu maanna inatsisissatut massakkut siunnersuummi allannguuteqaraluartoq, immikkoortorpaaloqarpoq allanngortinneqanngitsunik, taamaalilluni tusarniaanermi akissuteqaat assinguvoq nutaanik ilassutitaqaannarluni.

### Maleruagassatigut tunngavigisaaq

Utoqqarnut tapiissuteqartarneq pillugu Inatsisartut inatsiseqanngillat, taamaalilluni utoqqarnut suliassaqarfimmi inatsisit atuuttut tassaapput:

- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq
- Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat 26. juli 1994-imeersoq.
- Utoqqalinersiaqarneq pillugu Inatsisartut inatsisaat 23. november 2015-imeersoq.
- Siusinaartumik pensionisiat pillugit Inatsisartut inatsisaat 9. december 2015-imeersoq

### Pissutsit atuuttut

Qeqqata Kommunia kommunit allat taavalu tusarniaaffigineqartut allat utoqqarnut tapiissuteqartarneq pillugu Inatsisartut inatsisissaattut siunnersuut ulloq 30. januaari 2026-mi killilikkamik 2. januaari 2026-mi tiguaat. Tusarniaanermi piffissarititaasoq Naalakkersuisut kommunillu akornanni feeriarfiit ilanngunnagit sapaatit akunneri tallimaasutut isumaqatigiissutaasoq eqquutsinneqanngilaq.

Tusarniaassut ajoraluartumik qinikkanit oqaluserineqarnissaanut periarfissaasimanngilaq. Qeqqata Kommunia sinnerlugu sulisut attuumassuteqartut, immikkoortortami aqutsisut pisortallu suleqatigalugit Atugarissaarnermut pisortaaneq tusarniaassummut akissuteqaasiroq. Tusarniaassummut akissuteqaat kakkiussami ilanngunneqarpoq.

Aningaasaqarnikkut allaffissornikkullu kingunerisinnaasai

Utoqqarnut tapiissuteqartarnek pillugu Inatsisartut inatsisissaatut siunnersuummi aningaasaqarnikkut allaffissornikkullu kommuninut kingunerisassai sukumiisumik allaaserineqanngillat. Inatsisissatut siunnersuummut Qeqqata Kommuniata tusarniaassumut akissutaani kommuninut kingunerisassai naatsorsorneqassasut innersuussutigineqarpoq. Aammattaaq najugaqarfissatut neqeroorummik pilersitsinermut ingerlatsinermullu attuumassuteqartumik kommunalbestyrelsi aningaasartuuteqassasoq pillugu inatsisissatut siunnersuummi § 31, imm. 2-mi oqaaseqaateqarpoq, Qeqqata Kommuniatalu kissaatigaa utoqqaat angerlarsimaffiisa ingerlanneqarnerinut namminersorlutik oqartussanit tapiiffigitittarnertut periarfissaasoq sulii atuutissasoq.

Allaffeqarfiup naliliinera

Qeqqata Kommuniata tusarniaanermut akissuteqaataa Atugarissaarnermut Ataatsimiititaliamit tusaatissatut tiguneqarnissaa allaffeqarfiup kissaatigaa.

**Innersuussut**

Qeqqata Kommuniata tusarniaanermut akissuteqaataa Atugarissaarnermut Ataatsimiititaliamit tusaatissatut tiguneqassasoq innersuussutigineqarpoq.

**Aalajangiineq**

Tusaatissatut tiguneqarpoq.

**Ilanngussaq**

1. Utoqqarnut tapersersuinissaq pillugu Inatsisartut inatsisissaatut siunnersuummut missingiut tusarniaaffigineqaaqqinnera
2. Qeqqata Kommuniata tusarniaanermut akissuteqaataa

**08. Tamalaat**

**Imm. 8.1 Tamalaat**

Soqanngilaq.